


一〇四五五



長樂鄭  
振鐸西  
謫并記



Red seal impression with Chinese characters in seal script.



若有人讀誦此經先須念淨口業  
真言 修喇 修喇 摩訶修喇

修修喇 薩婆訶

妙法蓮華經觀世音菩薩普門品

如來三十五 娑摩羅什末 誦誦

今時無盡意菩薩即從座起偏袒  
右肩合掌向佛而作是言世尊觀  
世音菩薩以何因緣名觀世音佛  
告無盡意菩薩善男子若有無量  
百千萬億衆生受諸苦惱聞是觀  
世音菩薩一心稱名觀世音菩薩



即時觀其音聲皆得解脫若有  
持是觀世音菩薩名者設入大火  
火不能燒由是菩薩威神力故  
若為大水所漂稱其名號即得  
綏慶若有百千萬億衆生為求  
金銀琉璃磑碼砵珊瑚琥珀  
真珠等寶入於大海假使黑風  
吹其船舫飄墮羅剎鬼國其中  
若有乃至一人稱觀世音菩薩  
名者是諸人等皆得解脫羅剎  
之難以是因緣名觀世音若復  
有人臨當被害稱觀世音菩薩



名者被所執刀杖尋段段壞而  
得解脫若三千大千國土滿中  
夜叉羅刹欲來惱人聞其稱觀  
世音菩薩名者是諸惡鬼尚不  
能以惡眼視之況復加害設復  
有人若有罪若無罪枉械枷鎖  
檢繫其身稱觀世音菩薩名者  
皆悉斷壞即得解脫若三千大千  
國土滿中怨賊有一商主將諸商  
人齎持重寶經過險路其中一人  
作是唱言諸善男子勿得恐怖汝  
等應當一心稱觀世音菩薩名號



是菩薩能以無畏施於衆生汝等  
若稱名者於此怨賊當得解脫衆  
商人聞俱發聲言南無觀世音菩  
薩稱其名號即得解脫無盡意觀  
世音菩薩摩訶薩威神之力豈能  
如是若有衆生多於淫欲常念者

敬觀世音菩薩便得離欲若多瞋  
恚常念恭敬觀世音菩薩便得離  
瞋若多愚癡常念恭敬觀世音菩  
薩便得離癡無盡意觀世音菩薩  
有如是等大神力多所饒益是  
故衆生常應心念若有女人設欲



求男禮拜供養觀世音菩薩便生  
福德智慧之男設欲求女便生端  
正有相之女宿植德本衆人愛敬  
無盡意觀世音菩薩有如是力若  
有衆生恭敬禮拜觀世音菩薩福  
不唐捐是故衆生皆應受持觀世

音菩薩名號無盡意若有人受持  
六十二億恒河沙菩薩名字復盡  
形供養飲食衣服卧具醫藥於汝  
意云何是善男子善女人功德多  
不無盡意言甚多世尊佛言若復  
有人受持觀世音菩薩名號乃至





一時禮拜供養是二人福正寺無  
異於百千萬億劫不可窮及無及  
意受持觀世音菩薩名號得如是  
無量無邊福德之利無及意菩薩  
白佛言世尊觀世音菩薩云何遊  
此娑婆世界六何而為衆生說法  
方便之力其事六何佛告無及意  
菩薩善男子若有國土衆生應以  
佛身得度者觀世音菩薩即現佛  
身而為說法應以辟支佛身得度  
者即現辟支佛身而為說法應以  
聲聞身得度者即現聲聞身而為



說法應以梵王身得度者即現梵  
王身而為說法應以帝釋身得度  
者即現帝釋身而為說法應以自  
在大身得度者即現自在天身而  
為說法應以大自在天身得度者  
即現大自在天身而為說法應以  
天大將軍身得度者即現天大將  
軍身而為說法應以毗沙門身得  
度者即現毗沙門身而為說法應  
以小玉身得度者即現小玉身而  
為說法應以長者身得度者即現  
長者身而為說法應以居士身得



度者即現居士身而為說法應以  
宰官身得度者即現宰官身而為  
說法應以婆羅門身得度者即現  
婆羅門身而為說法應以比丘比  
丘尼優婆塞優婆夷身得度者即  
現比丘比丘尼優婆塞優婆夷身  
而為說法應以長者居士宰官婆  
羅門婦女身得度者即現婦女身  
而為說法應以童男童女身得度  
者即現童男童女身而為說法應  
以天龍夜叉乾闥婆阿修羅之類  
羅緊那羅摩睺羅迦人非人等身



得度者即皆現之而為說法應以  
執金剛神得度者即現執金剛神  
而為說法無盡意是觀世音菩薩  
成就如是功德以種種形遊諸國  
土度脫衆生是故汝等應當一心  
供養觀世音菩薩是觀世音菩薩  
摩訶薩於怖畏急難之中能施無  
畏是故此娑婆世界皆號之為施  
無畏者無盡意菩薩白佛言世尊  
我今當供養觀世音菩薩即解頰  
衆寶珠瓔珞價直百千兩金而以  
與之作是言仁者受此法施珍寶



瓔珞時觀世音菩薩不肯受之無  
盡意復白觀世音菩薩言仁者慙  
我等故受此瓔珞尔時佛告觀世  
音菩薩當愍此無盡意菩薩及四  
衆天龍夜叉乾闥婆阿修羅迦樓  
羅緊那羅摩睺羅伽人非人等故



受是瓔珞即時觀世音菩薩愍諸  
四衆及於天龍人非人等受其瓔  
珞今作二今一今奉釋迦牟尼佛  
一今奉多寶佛塔無盡意觀世音  
菩薩有如是自在神力遊於娑婆  
世界尔時無盡意菩薩以偈問曰

世尊妙相具

我今重問彼

佛子何因緣

名為觀世音

具足妙相尊

偈答無盡意

汝聽觀音行

善應諸方所

弘誓深如海

歷劫不思議

侍多千億佛

發大清淨願

我為汝略說

聞名及見身

心念不空過

能滅諸有苦

假使興害意

推落大火坑

念彼觀音力

火坑變成池

或漂流巨海

龍魚諸鬼難

念彼觀音力

波浪不能沒

或在須彌峯

為人所推墮

念彼觀音力

如日虛空住

或被惡人逐

墮落金剛山

念彼觀音力

不能損一毛

或值怨賊逢

各執刀加害

念彼觀音力

咸即起慈心

或遭王難若

臨刑欲壽終

念彼觀音力

刀尋段段壞

或囚禁枷鎖

手足被扣械

念彼觀音力

釋然得解脫

呪咀諸毒藥

所欲害身者

念彼觀音力

還著於本人

或遇惡羅刹

毒龍諸鬼等

念彼觀音力

時悉不敢害

若惡獸圍遶

利牙爪可怖

念彼觀音力

疾走無邊方

訖咤及殘喘

氣毒煙火然

念彼觀音力

尋聲自迴去

雲雷鼓掣雷

降雹澍大雨

念彼觀音力

應時得消散

衆生被困厄

無量苦逼身

觀音妙智力

能救世間苦

具足神通力

廣修智方便

十方諸國土

無刹不現身

種種諸惡趣

地獄鬼畜生

生老病死苦

以漸悉令滅

真觀清淨觀

廣大智慧觀

悲觀及慈觀

常願常瞻仰

無垢清淨光

慧日破諸暗

能伏災風火

普明照世間

悲體戒雷震

慈意妙大雲

澍甘露法雨

滅除煩惱餘

諍訟經官處

怖畏軍陣中

念彼觀音力

眾怨悉退散

妙音觀世音

梵音海潮音

勝彼世間音

是故須常念

念念勿生疑

觀世音淨聖

於苦惱死厄

能為作依怙

具一切功德

慈眼視眾生

福聚海無量

是故應頂禮

爾時持地菩薩即從座起前白佛言世尊若有



圖書



